



Te ngākau pai

He whakatare, he whakaute, he whakahoahoa, he pukumahi ahau me te ngākau tapatahi. E aro ana ahau ki aku mahi.



Te whakawhitiwhiti kōrero

Ka whakarongo ahau. Ka uiui ahau. Ka whakaute ahau i ahau e whakawhitiwhiti kōrero ana ki ngā momo tāngata katoa



Te mahi tahi hei rōpū

He pai aku mahi tahi me ētahi atu tāngata ki te whakatutuki i tētahi whāinga e tiria ana. Ka āta whai wāhi ahau ki te rōpū.



Te whakahaere whaiaro

Ka tiaki ahau i ahau anō. Ka noho haepapa ahau, ka whakaoti mahi i te wā tika, ka takatū mō aku mahi.



Te hihiri ako

E wātea ana ahau ki te ako i ngā mahi hōu, ngā pūkenga me ngā mōhiotio. Ka whakarongo ki ngā tohutohu me te ako mai i ngā urupare.



Ngā pūkenga whakaaroaro

Ka aromātai i ngā kōwhiringa me te whiriwhiri i ngā āhua e taea ai tētahi mahi. Ka tono āwhina ahau ina hiahiatia.

NGĀ PŪKENGA MŌ TE WHIWHI MAHI.

He wāhanga nui o tō ara whāinga mahi ko ō pūkenga mō te whiwhi mahi. He nui ngā āhua e whakaaturia ai aua pūkenga.



Te manawaroa

Ka tutuki i ahau ngā wero. Ka ako mai i aku mahi hē me te kimi ara hou hei mahi i ngā mahi.

Ōku kaingākoutanga

- Kapa haka
- Whutupōro riki
- Poitūkohu
- Poitarawhiti
- Ngā Manu Kōrero

Taku kōrero

He kaha taku whai wāhi ki te kapa haka. Kāore ngā mahi kapa haka e āriarika ana.

E whakangungu ana mātou mō ngā hui, ngā takunetanga me ngā pōwhiri. Ko te mea whakahira ko te whakataetae o Ngā Kapa Haka Kura Tuarua o Aotearoa. E rumakina ana mātou ki te ao Māori.

I ngā whakangungu me ako i tētahi whakakitenga katoa, tae atu ki ngā waiata, ngā poi me ngā haka. Me whakarite kia takatū au.

Ka whai wāhi ngā noho marae i ngā mutunga wiki ki ngā mahi whakangungu. Ka tīmata moata ēnei, me te mutu i te ahiahi pō.

I ngā noho marae ko te tūmanako me taka kai mātou, me te whakarite kia mā me te nahanaha ā mātou mea.

E tautokona ana mātou e ō mātou whānau.

Ōku uara

- Tōku whānau
- Whakaute
- Te wero i ahau anō
- Tōku ahurea
- Te whai wāhi ki tētahi rōpū

Ōku pūkenga mō te whiwhi mahi

- E whakaute ana ahau i tō mātou kaiwhakaako. E whakarongo pikari ana me te kaha aro puta noa i ngā haora nunui e whakangungu ana mātou.
- Ka whakarongo me te whai i ngā tohutohu.
- E mārama ana ki ahau he tūnga tō tētahi, tō tētahi – ehara mō ngā mahi kapa haka noa iho, engari mō ngā mahi katoa e mahia ana i ngā noho marae.
- E whakarite ana ahau kia noho hauora me te ora, me te hari i aku taputapu ki ngā whakangungu.
- He pai ki ahau te ako i ngā waiata ā-ringa hōu. E pai ana ki ahau ngā urupare kia pai ake ai aku mahi.
- Kia rite tonu te whakaaroaro i a au e whakaatu ana, me te tito ohia ki te puta mai ngā hē i taku whakaaturanga.
- Ka ako ahau mai i aku hē, me te haere tonu o taku whakangungu.

He aha tō kōrero?

Tirohia te careers.govt.nz kia kite i ngā kōrero anō mō ō pūkenga whiwhi mahi.